

S'exprimer – nus essan dapli

DA CLAU DERMONT

■ **«I think there is blame on both sides», ha Trump ditg suenter ils cum-bats a Charlottesville nua che nazis èn charrads sur ina dunna giuvna ed han mazzà ella.** Ed a Chemnitz? Puspè din tschertas medias ch'i haja dà caots da dretg e da sanester. Puspè vegn quasi legitimà che nazis hajan decidì d'occupar la publicità cun lur ideas faschistas e lur parolas xenofobas cun constatar ch'i haja era dà persunas ch'han reagì e decidì ch'i n'haja betg in plaz per l'intoleranza da questas persunas. Bun 6000 persunas han demonstrà encunter Merkel ed il mund, tranter quellas ils nazis. Passa 65000 persunas èn sa rimnadas per ils concerts «#WirSindMehr» per criticar quai che schabegia a Chemnitz.

La tendenza da tschertas persunas e medias da menziunar ch'i haja gea caots dad omaduas varts dal spectrum politic è ina tendenza malsegira. Uschia vegn condemnà ch'i dat persunas che prendan cle-ramain posiziun encunter ina politica ch'attatga persunas perquai ch'ellas han in'otra terra nua ch'ellas èn naschidas, u in'otra colur da la pel. Cun quai vegni signalisà: La minorità da nazis duai avair la libertad d'exprimer sia ideologia

oppressiva. Ma taschair en uschia ina situaziun nua che demonstraziuns sco a Charlottesville ni Chemnitz schabegian è il cuntrari da quai ch'i fiss da far. Tgi che na prenda betg posiziun encunter las parolas che vegnan scandadas tras las vias conceda che quellas èn pli preschentas che la correctura necessaria da quellas ideas tschorventadas e la consequenza da questa retorica che nus enonuschain da l'istorgia. Ord la scienza enonuschain nus la spirala da silenzi: Ils ins cloman da tutta forza, uschia ch'auters na s'expriman betg per tema da cuntraversa e da stuair prender posiziun per l'agen maini. Cunquai ch'ils auters na s'expriman betg èn ils ins anc pli preschents e vegnan percepids sco pli gronda gruppa che quai ch'i fissan atgnamain. E sche questa spirala va vinavant è tuttenina ina minorità la suletta che s'exprima, e la maiortad cun in auter maini na ristga betg da star si.

Be perquai ch'insatgi è pli dad aut n'ha el betg il meglier argument. E mintgin da nus è dumandà da guardar che las parolas da fracass na daventian betg las vuschs decisivas be perquai ch'ellas èn las vuschs las pli autas...

L'autur è politolog